

التكوين, إصحاح 1-3

الرموز في الدرس:

📖 = النصّ في كتاب التكوين

? = سؤال

! = إجابة

✳ = فرصة لِنَزَرَعُوا فكرة جديدة زائدة

✂ = نصّ غير إجباري

الدرس الأول: التكوين 1:1-4:2 طبيعة الله و خليقته

المقدمة: ✂ رسالة الله في الكتاب المقدّس. هي رسالة موثوقة

? كفاش نعرفوا الحقيقة على بداية العالم و على نشأة الإنسان ؟
(هل) نجّموا نعرفوا بطريقة العلوم وإلّا بطريقة علم التاريخ وإلّا بالفلسفة ؟
! لا، ما نجّموا نعرفوا شيء على حقيقة البداية إلّا ما يورّيهولنا الله نفسه على خاطر هو برك
كان موجود قبل كل شيء.

? الله مطلق و حرّ. لازم عليه باش يبيّن و يفسّر للناس كفاش بدا الكون ؟
! لا، أمّا هو حبّ يتكلّم مع الانسان, حبّ يحكي معنا.

? بأنا طريقة حكى معنا ؟
! كلم الانبياء.

? اشكون حكى الله على البداية و على نشأة الانسان ؟
! الله كلم موسى. هو أوّل الأنبياء إلي كتب على بداية الكون.

؟ شاسمه كتاب موسى ؟
! اسمه التوراة. فيه خمسة كُتب و أولهم التكوين على خاطر تحكي على بداية الكون.
نلقاوا التوراة في الكتاب المقدس.

انا عندي ثقة في الكتاب المقدس على خاطر قريته الكلّ. شفت إلي هو موش كتاب من نبيء واحد, اما هو مجموعة كُتب الانبياء. تقريب اربعين من الانبياء كُتبوهم:
. ما جاوش من نفس البيعة
. ما جاوش من نفس الرتبة في المجتمع
. ما كانوا يتكلموا الكلّ نفس اللغة
. ما عاشوش الكلّ في نفس الزمان,
اما الرسائل متاعهم كانت مُوافقة بعضها بعض على خاطر جات من عند الله.

✽ الانبياء تكلموا من وحي الله, اما كل واحد منهم كتب على طريقته هو, و في لغته هو.

✽؟ الكتاب المقدس صحيح, لكن هل إنجموا نستعملوه كيما كتاب العلوم؟ باش ندرسوا مثلا العلوم الطبيعية؟
! لا, على خاطر نية الله ما كانتش باش يحضّر لنا درس علمي, اما باش يتكلم على العلاقة مابينه و ما بينا.

✽؟ نجّموا نستعملوا كتاب الله كيف حرز باش يحافظنا من الشر؟
! لا, كتاب الله موش حرز. نفكروا شوية في نية الله:
كتاب الله هو رسالة. هو كيف جواب. الله يحبنا نقرأه و هگا نفهموا افكاره.
هذا علاش نحب نطلبوا من ربّي باش هو يفهمنا و قتالي نقرأوا كتابه .

📖 نقرأوا توة الإصحاح الاوّل من التكوين.

1. طبيعته الاله الحيّ إلى كان موجود قبل تكوين السموات و الأرض

؟ أوّل حاجة, لازم نفكروا في معنى الآية الأولى و الثانية. أش كان موجود قبل خلق العالم؟
! الله. حتى شيء و حتى حد ما كان موجود إلّا الله. لا إنسان و لا جنون و لا ملائكة.

الله وحدّه أبدي. الله أزلي. ما عندوش بداية و ما عندوش نهاية. كان موجود قبل وجود الزمان و قبل وجود المكان. قبل ما تتصنع الدنيا.

؟ كفاش الله ينجم يعيش بلاش العالم, بلاش الماء و بلاش الهواء؟
! الله موش كائن مادّي, ماهوش كائن جسمي. ما حاجتوش بالمادّة كيف
الماء... على خاطر
ما عندوش جسم.

؟ أش نتعلموا على الله من الآيّة الأولى؟ إذا كان هو الأوّل و هو خالق كلّ
شيء

أش نفهموا على طبيعته؟
! الله مكنتي بذاته, مستقلّ, مرتفع, ما حاجته بحثي حد باش يعاونوه.
الله هو القادر. عنده السلطة و القدرة الكاملة السيادة متاعه موش
محدودة.
الله هو العالم. هو برك يعرف كلّ شيء.
الله موجود في كلّ مكان في نفس الوقت. هو موش محدود بالمكان ولّا
بالزمان.
معنىها: الله هو مطلق. هو العالي, العظيم, المولى.

؟ الله خالق كلّ شيء. فماش واحد آخر ينجم يخلق؟
! لا, ما فمّ حد, على خاطر أحن الكلّ حاجتنا بالمادّة الأولية قبل ما نصنعوا,
ولّا نخلقوا حاجة.

2. الله خلق العالم باش يولّي مملكة الإنسان.

؟ أش خلق الله؟ نشوفوا في الآيّة الأولى:
! خلق السموات و الأرض.

؟* أش يفسّرنا الله على السموات في ها الإصحاح؟
! ما فسرنا حتّى شيء على خاطر السموات موش مملكة الإنسان.
السموات مملكة روحية, مملكة الربّ. موش لنا أحن باش نتدّخّلوا في
مملكته. الله اعطى للإنسان ميدان آخر, و هو الأرض.

؟ الله يفسر لنا حاجة على ميدان الأرض؟ قدّاش من آية تتكلموا على الأرض؟

! الإصحاح كُله يحكي على موضوع الأرض, معناها على خلق العالم, على خاطر الأرض باش تولي مملكة الإنسان.

3. الله طيب.

باش نتعلموا توة كفاش الله حضرّ الأرض باش تولي بقعة باهية و جميلة. الله طيب, معناها هو ما يحبّ إلنا الخير و الجمال. في فكرته لازم الأرض تولي جميلة حتى الآخر. وقتالي احنا نحضروا دار لاولادنا نحضروا المطلوب, أما الله يعمل أكثر من هذا: هو يحضرّ بالزّايد. هو يحبّ الألوان, الجمال و حتى الإختلاف.

📖 نقرأوا أش خلق الله اليوم الأوّل, الثاني و الثالث: 1: 3 - 13

؟ في الآية 11+12 قرينا كفاش الله خلق النبات. صنعهم الكلّ كيف كيف ؟ ! لا, الشجر و الزهور و حتى الحشيش عندهم برشة ألوان و إشكال مختلفين.

علاش؟ على خاطر الله يحبّ الجمال و الإختلاف. خدمته خارقة للعادة حتى في الأشياء الصغيرة. إذا كان نشوفوا في الميكروسكوب, في المجهر, نستعجبوا كفاش خدمة الربّ باهية و كاملة حتى في التفاصيل. الله حبّ يحضرّ أرض جميلة للناس على خاطر يحبّهم.

📖 نقرأوا الآيات 14 حتى 19, معناها اش ظهر في اليوم الرابع.

؟ علاش الله خلق النجوم؟ مثلاً, الله خلق النظام الشمسي. أش يقصد به؟ نشونفوا في الآية 14. ! باش فمّ فرق ما بين النهار و الليل و باش يكون علامات الأيام و الفصول و السنين. معناها بدات تقويم اليومية نفكروا شوية علاش الله حبّ يقول هذا لموسى. موسى كان يعيش في مصر. الناس غادي كانوا يظنّوا إليّ المصير يجي من النجوم. كانوا يعابدوا مثلاً الشمس. الله حب يفهمهم إليّ ما فمّاش غيره, ما فمّاش آلهة الشمس.

✳️ الله حب زادة باش أحن ما نلوجوش على المكتوب في النجوم. هو الخالق, الإله الحي, و يحبّنا نبحتوا عليه هو, و موش على المكتوب. الله و المكتوب و المصير و التّجيم موش كيف كيف.

هذوما يجيبولنا مرة الباهي و مرّة الخايب. الله ما يعطينا إلّا الخير. الله
موش استبدادي. الله طيّب و هو ما يتغيّرش. أصل الشرّ موش من عند الله.
باش ندخلوا في ها الموضوع من بعد.

📖 نشوفوا توة أش صار اليوم الخامس في الآيات 20-23

؟ هوني نلقوا دليل آخر إلّي نيّة الله ديما باهية. أش عمل الله بعد ما خلق
الحيونات؟ (22)
! الله بارك الحيونات! الله حبّ الخير حتّى للحيونات.

؟ اليوم البشر يحبّ يستغلّ الحيونات في الخدمة, يحبّ ياكل اللحم
متاعهم... وكهوا! أمّا في البداية ما كانش هگا. مثلا, أش كلاوا الحيونات و
الناس؟ شوفوا في الآيات 29 + 30.
! الربّ أعطى للحيونات و للناس برشة خضرة و غلة باش ياكلوها. حتّى
حد ما فگر باش يقتل و ياكل اللحم. الله طيّب و ما يحبّش القتل.

4. المخلوقات و خاصّة الإنسان كانت عندها طبيعة باهية و طيبة.

📖 توة باش نقرأوا باقي النصّ (24 - 31) حتّى نكمّلوا الإصحاح الأوّل.
نحبّ باش نفكّروا خاصّة على الكلمات إلّي تتعاود في النصّ, على
خاطر وقتاليّ الله يحبّ يأكّد على حاجة, هو يعاودها باش نفهموها.

؟ كل مرّة, بعد ما خلق الله حاجة جديدة, هو ديما خزرلها و اش عمل؟ اش
قال؟ نشوفوا في الآية 4, 10, 12, 18, 21, 25, 31.
! الله استحسن الخليفة متاعه كلها. كل مرّة قال: <حسن>. ما كان ما فمّا لا
غلطة و لا حاجة ناقصة.

؟ وقتاليّ أحن نصنعوا حاجة, مثلا نخيطوا روبة, ديما فمّ غلطة صغيرة
ولنا حاجة ناقصة. أمّا خليفة الله كانت باهية و متكاملة. علاش؟

! على خاطر الله كامل و طيب. الله ما يخلّيش حاجة موش مُتكاملة. هو يصنعها طيبة و باهية. * إذا كان نلقاوا حاجة غير طيبة, لازم ما ننسبوهاش لله. لازم ما ننسبوش الشر لله.
ماعادش نقولوا <الله غالب> وقتالي يصير حاجة خايبة. طبيعة الله باهية مياء بالمياء.

? الخليفة كانت باهية و كاملة. أش تفكروا على طبيعة البشر؟ طبيعته طيبة و كاملة زادة؟
! نعم, نفهموا هذا من الآية 31. الله استحسن الإنسان جدًا. الإنسان كان طيب.

? أمّا الإنسان الضعيف موش ممكن يكون طيب كيف الله! أش تفكروا?
! الإنسان موش مُساوي لله. أما طبيعته كانت طيبة. هو محدود, أمّا كان ما فمّاش عيب فيه.

5. التنظيم و الإنسجام في خلق الله.

? الله ما خلقش بالفوضى, بل بالنظام. مثلاً, هو خلق في ستة أيام, و في البداية خلق المدّة البسيطة. بعد خلق الحياة, و في البداية الحياة كانت من نوع بسيط و بعد الله خلق الحيوان إلي عندهم مستوى أعلى. قمة ترتيب, درجات في خلقه. تتجمّوا تذكروا الدرجات في خلق الله?
! الله خلق النور أولاً, بعد فرق الماء من التراب, من بعد الأرض بدأت تنبت النبات و وقتها فين الله خلق الحيوانات, البسيطة قبل و الرتبة الاعلى بعد. التنظيم باهي في العلوم نشوفوا كفاش نظام الله عظيم: مثلاً النجوم يدوروا بنظام في الفضاء, من غير ما يضربوا بعضهم بعض.

? الله يورينا نظام آخر زادة. خمسة مرات هو يعاود نفس التعبير, نفس الجملة باش يظهر التنظيم متاعه. أنا كلمات يتعاودوا في الآية 11, 12, 21, 24, 25?
! الكلمات <كجنسه> يتعاودوا. هكا الله يورينا كفاش هو مطابق لنظامه.

✽ الله مصدر القاعدة: <ما يزرعه الإنسان, فاياه يحصد أيضا>. الله موش تعسفي ولنا إستبدادي.

؟ توة نوصلوا إلى آخر تعبير إلي يتعاود برشة. الله يعطينا دليل برشة مرّات كفاش هو خلق كل شيء, معناها بأنا طريقة هو خلق. نشوفوا في الآية 3, 9, 11, 14, 20, 24. كلّ مرّة مكتوب غادي كفاش الله خلق !. الله خلق بكلمته. أحن حاجتنا بالمادة باش نخلقوا أي حاجة. الله ما حاجته بشيء. هو خلق بالكلمة برك. هو قال و صار. أمر فأصبح. الله استعمل كلمته برك.

✽ كلمة الله قادرة كيفه هو كلمة الله تجيب حتى الحياة, كما صار وقتي الله خلق بالكلمة النبات و الحيوانات.

ممكن تسألوا توة علاش تكلمنا على نظام الله. نظام الله يعاون الخليقة باش تعيش في إنزجام. التنظيم هذا ما كانش يُربط الناس, ما نحّاش الحرية متاعهم, على خاطر كان فمّ إحترام. كما قلنا قبل, البشر ما فكرش باش يستغل الحيوانات. كلّ واحد كان يعتمد على الآخر. كان فمّ إنسجام: الخليقة كلها كانت تعتمد على الخالق بكلّ بساطة و فرح. **6.وكالة الإنسان على الأرض.**

📖 نعاودوا نقرأوا كفاش الله أعطى الإنسان السلطة على الأرض. التكوين 1: 26-28.

؟ اشنوة الفرق, اشنوة الاختلاف ما بين الإنسان و الحيوان؟ نشوفوا في الآية 26. ! ها هو الفرق:

1. الإنسان برك عنده صورة الله فيه.
2. الإنسان برك عنده السلطة على الأرض.

؟ في الآية 31 نشوفوا إلي الله استحسن الإنسان جدّا مع أنّ طبيعته باهية, كفاش لازم يستعمل السلطة متاعه؟

! لازم يستعملها بالمحبة كما الله. الإنسان يمثل الله على الأرض. و لازم يكون أهل لوكالته.

? اش تزننوا: البشر اليوم يستعمل سلطته كما حبّ الله?
! لا، التلوّث دليل على هذا. نشاركوا مثال آخر...

7. اليوم السابع، يوم راحة.

📖 أخيرا نقرأوا توة التكوين 2: 1-4.

? عندكش العادة باش تخمم كل ليلة على ما عملت في النهار؟ ديما تنجم
تفرح بما عملته في ها النهار؟ علاش لا؟
! على خاطر خدمتنا موش كاملة و موش ديما باهية كما خدمة الله. بعد ما
كمل كل خدمته كيف ما حبّ الله كان راضي على كل شئ و ارتاح.

? أش تظننوا: ارتاح على خاطر ما عايش كان عنده قوّة باش يزيد في
خدمته؟ تعب كما نتعبوا أحن؟
! لا، هو ارتاح على خاطر كمل كل شئ. الخليقة كانت متكاملة و الله
فرح بها. كان راضي على كل شئ. حتى الله يحسّ بالفرح و يحبّ يحتفل
بالعمل متاعه. الله عنده أحساس زادة.

? علاش بارك الله ها اليوم و قدّسه؟
! على خاطر محبته أعطانا يوم الراحة باش نفرحوا معاه.

الدرس الثاني: التكوين 2: 4-25 الإنسان مخلوق على صورة الله

المقدمة: الله يحب باش نعرفوا شكون أحن.

المرّة إلي فاتت قرينا كفاش الله قدّم نفسه للإنسان. حبّ باش نعرفوه. حبّ باش نفهموا طبيعته. من بعد كلّم على طبيعة الإنسان. الله يحبّ باش نعرفوا شكونا أحن.

؟ أش قرينا على طبيعة الإنسان في الإصحاح 1: 26-28؟
! قرينا إلي الله خلقنا على صورته.

؟ قداش من مرّة تتعاود ها الكلمة "على صورته"؟
! الله يعاود ها الكلمة ثلاثة مرّات, معناها الله حبّنا نفهموا هذا بلقدا.

؟ اش معنتها ها العبارة "على صورته"؟ مثلا جسدنا هو كيف الله؟
! لا, على خاطر الله ما عندوش جسد! هو روح و أحن جسد. هو الخالق و أحن الخليقة. هو غير محدود و أحن محدودين. أمّا الله أعطى للإنسان صفات إلي الخليقة الأخرى مت عندهاش. في الإصحاح الأول الله أعطانا الموجز على طبيعة الإنسان. في الإصحاح الثاني الله يعطينا توة التفاصيل على خليقة الإنسان باش نفهموا معنى الجملة "الإنسان مخلوق على صورة الله".

1. الإنسان عنده طبيعة روحية.

❖؟ كفاش خلق الله البشر؟ اش خدا باش يصنعه؟ (آية 7)
! خدا التراب و صنع منه الإنسان. ال'نسان مخلوق من التراب كما
النبات (1:11) و كما الحيوانات (1:24 + 2:19). هگا نعرفوا إلي أحن
خليقة برك, موش إمتداد من الآلهة كما يفكرُوا في الشرق الأقصى.
الإنسان خليقة أرضية.

? نبحثوا على دليل كفاش أحن نختلفوا على الخليقة الأخرى. الله أعطانا
إمْتياز, أعطانا صفات إلي ما عندهاش الخليقة الأخرى. نشوفوا في الآية 7
! الله أعطى للإنسان برك نسمة الحياة من فمهُ. الإنسان عنده طبيعة
روحية, موش كيف الحيوان.

? الحيوان زادة عندهم أحساس, أمّا عمرنا ما شفنا حيوان يعبد الله. علاش?
! للإنسان برك الله أعطى من روحهُ باش ينجم البشر يعرف الله بطريقة
روحية. آدم ما عرفش برشة حاجات على الله, أمّا إلي عرفهُ كُله كان
صحيح. كان فمّة شركة ما بين الله و آدم.
البشر برك عنده إمكانية باش يتعامل مع الله و باش يشارك معاه, معناها
باش يتكلم معاه.

2. الله قدّم للإنسان الحيات الأبدية.

? وقت إلي الله حطّ آدم في الجنينة, تكلم على زوز الشجرات. أش إسمها
الشجرتين؟ (9)
! شجرة الحيات و شجرة معرفة الخير و الشر.

? حبّ الله باش الإنسان ياكل من شجرة الحياة?
! نعم, على خاطر هو حرّم عليه شجرة معرفة الخير و الشر برك.

؟ ما معنى ها الشجرة؟ نقرأوا في التكوين 3: 22 أش خسروا آدم و حواء وقت إلي خسروا ها الشجرة؟
*! خسروا الحياة الأبدية. معناها في البداية الله قدم للإنسان الحياة الأبدية! هذا إمتياز خاص، إلي. الحيوانات ما عندهمش.

3 الله أعطى للإنسان الحرية باش يختار.

؟ الله أعطى الإنسان الحرية باش يختار. حبّ باش الإنسان يقرّر هو بيده إذا كان يحبّ يطيع الله ولنا لا. الحيوان عندهم ها الحرية؟
! لا، ما عندهمش ها الحرية، على خاطر عندهم طبيعة فطرية، غريزية الإنسان قادر أن يختار على خاطر مخلوق على صورة الله.

؟ الله ما حبّش باش الإنسان يأكل من شجرة معرفة الخير و الشر. علاش؟
! ساهل باش نلقوا السبب على خاطر السبب مكتوب في الآية 17: "ما تأكلش على خاطر تموت بلا شك."

؟ ممكن تقولوا: الله قادر باش يوقف الموت علاش ما حبّش يخلي الإنسان يعرف الخير و الشرّ و يعيش؟
! معرفة الخير و الشرّ معرفة خاصّة. هي موش معرفة الذكاء الخالق برك قادر على معرفة الشرّ بلاش ما يفسده الشرّ. على خاطر هو أكبر منه و عنده السلطة حتى على الشرّ. الخالق حبّ باش الخليفة تتعلم التصرف الأخلاقي منه. إذا كان الخليفة تحبّ تعرف الشرّ مستقلة عن الله، هي تقسّد و النتيجة هي الموت.

؟ أش تفكّروا: الله حضرّ تجربة خايبة للإنسان؟ عرف إلي البشر يحبّ الممنوع هكا حطّ قدامه حاجة ممنوعة باش يجربّه و باش يعاقبه من بعد؟
! لا! الله حبّ يعطي للإنسان إختيار. ها الإختيار كان ساهل على خاطر في البداية البشر كان ما عندوش طبيعة مَعوجة كما عند الأولاد اليوم. إذا كان تقوللهم: "ما تمسّش هذا" يحبّوا يمسوّه. في البداية الطبيعة الإنسانية

كانت بريئة. الطاعة كانت ساهلة. الله أعطى للبشر الحرية باش يختار. ما أعطاهش المكتوب.

؟ في الحقيقة الاختيار جزء مهم من طبيعة الإنسان. إذا كان تتحي الاختيار, تتحي الحرية. إذا كان تتحي الحرية, تتحي صورة الله في الإنسان. تظهر لكم هذه مبالغة؟

! لا, بلاش حرية الاختيار أحن كيف الإنسان الآلي, كيف روبات. ما نّجمو كان نطيعوا.

الله أعطانا أكثر قيمة من إلي أعطى لأي حد آخر!

4. الله أعطى للإنسان العقل و المقدره باش يتسلط على الأرض.

؟ قربينا كفاش الله حط آدم في جنينة خاصة و قاله باش يخدمها. علاش الله حب آدم يخدم؟

! الله حب يعطي فكرة للإنسان كفاش هو ينجم يستعمل العقل و السلطة متاعه. الإنسان ينجم يفكر في مشروع و يعمل برنامج و يفرح في خدمته كما فرح الله في خدمته.

؟ نقرأوا الآية 19: كفاش استعمل البشر العقل متاعه في هذا الفرصة؟
! استعمل العقل متاعه باش يسمي الحيوان. آدم كان يثبت في كل حيوان باش يعطيه اسم مناسب. ولى البشر يعرف كل نوع من الحيوان و بدا يوصفها. هكا الله حلّ باب الإكتشافات و باب العلم. كانت إرادة الله باش الإنسان يكتشف و يستعمل العقل متاعه للقراية و يولي يفهم و يتسلط على الأرض في طريقة باهية.

5. الله خلق الإنسان قادر على علاقة عميقة مع نظيره.

؟ توة نوصلوا في لموضوع مهم في هذا الإصحاح: الله خلق الإنسان قادر على علاقة عميقة و خاصة. أش نقرأوا في الآية 18؟
! "ليس مستحسننا أن يبقى آدم وحيدا."

؟ معناها الله غلط وقت إلي خلق آدم وحده؟ علاش الله ما خلقش الرجل و المرأة في نفس الوقت كما عمل مع الحيوان؟
! على خاطر حبّ باش الرجل يفهم إلي هو موش متكامل بلاش المرأة.

؟ زيد على هذا, أش عمل الله باش الرجل يفهم إلي الوحدة موش باهية؟
! الله خلّي الراجل يعرف الحيوانات الكلّ و يحسّ بالوحدة. على خاطر ما فمة حتى حد كيفه.
(20:2) الله أعطى آدم الحلّ و آدم فرح و فهم إلي توة عنده إلي يحتاج له بظبط.
(23+22:2)

؟ نفكروا شوية كفاش الله خلق المرأة باش نفهموا طبيعتها. علاش الله خلق المرأة من عظم و لحم الرجل و موش من التراب كما خلق الرجل و الحيوان؟
! باش الرجل يفهم إلي المرأة كيف هو. (23) كانت عندها نفس الطبيعة الإنسانية متاعه. كانت تشارك نفس الطبيعة الروحية و النفسانية و نفس العقل. هي زادة مخلوقة على صورة الله.

؟ علاش الله خذا المرأة من جنب آدم و موش من رأسه ولى من ساقيه؟
! باش آدم يفهم إلي المرأة عندها نفس القيمة كيفه هو, موش أكثر و موش أقلّ منه.

؟ أش تفكروا؟ المرأة عندها نفس الإمتيازات كيف الرجل ولنا لا؟ شوفوا في التكوين 1:28.
! مكتوب إلي الله باركهم لاثنين و أعطاهم لاثنين السلطة على الأرض.
؟ أمّا ما فمّاش فرق بالكلّ ما بين الرجل و المرأة؟
! فمة فرق! الجنس المذكّر و الجنس المؤنث ما همش كيف كيف جسدياً و موش كيف كيف حتى نفسياً.

؟ الله فكّر في هذا الفرق. كفاش يوصف المرأة في الآية 18؟
*! الله صنع له "معينا نظيره". الله خلق المرأة باش تعاون الرجل. الرجل وحده ما كانش متكامل. المرأة بطبيعتها باش تكمل الرجل. هذا الدور متاعها.

نعملوا التلخيص:

1. الرجل و المرأة عندهم نفس القيمة:

- لاثنين مخلوقين على صورة الله
- و لاثنين عندهم السلطة على الأرض.

2. الرجل و المرأة ما عندهم نفس الدور:

- الرجل هو الأوّل في علاقتهم و هو يقود.
 - المرأة هي الثانية في علاقتهم و هي تكمل الرجل.
- الله خلقهم هكّا باش يكملوا بعضهم, موش باش يعملوا منافسة. فگر ما معنى هذا في المجتمع و في العرس. في ها الإنزجام كان فمّة فرح. ها العلاقة ما بين الرجل و المرأة كانت على صورة الله, كما مكتوب في التكوين 1: 27.

📖 في الآخر نقرأوا التكوين 24:2+25, على خاطر هنا ختام الموضوع.

? مكتوب إلي يولّيووا "جسدا واحدا", معناها يعملوا علاقة جسدية, جنسية. تتجمّوا تفسّروا علاش توة, قي الختام, الله يكلمنا على العرس في المجتمع و ما يقول شيء على نتيجة الجنس و هي الأولاد?
! الله حبّ باش الإنسان يولد و يكثر كما قال في الإصحاح 1: 28. أمّا ما فسّر حتى شيء على ها الموضوع على خاطر هذه حاجة طبيعية و فطرية, حتى الحيوان يعرفوها. لآكن الله حبّ يفسر بالنسبة للعرس, على خاطر العرس خاصّ بالإنسان و يكون رجل واحد و مرأة واحدة.

? في العرس فمّة أكثر من العلاقة الجسدية. هي علاقة عميقة, وجها لوجه. تدخلوا فيها برشة حاجات. شكون عنده مثال? نشوفوا زادة في الآية 24.
! مكتوب هوني إلي الرجل يخلي أمّه و بوه باش يلتصق بمرأته. لازم نفهموا إلي العلاقة النفسانية مهمة كما العلاقة الجسدية. و لازم المجتمع تعترف العرس زادة.

? شنوة راياكم: ما معنى في الآية الأخيرة 25 ها الكلمات: "ما حشموش عريانيين"?

! ما حشموش على خاطر في البداية الغريزة الجنسية ما كانتش عار. ما كانش فمة سبب باش يحشموا. الله هو بيده خلقهم ذكر و أنثى و الجنس كان حاجة باهية و نظيفة.

✽من جسد المرأة نتعلموا أيضا حاجة على دور الفطر الجنسي: الله ما فكرش إلي الاتصال الجنسي ديما لازم يحيب الأولاد. الله عمل باش جسد المرأة يكون متمر 3 أيام في الشهر برك. الأيام الآخرين الزوجين ينجموا يوليوا "جسدا واحدا" بلاش ما يجيبوا أولاد. معناها، الله يحب باش نعطيعوا قيمة للوحدة في العرس، موش باش نجيبوا أولاد برك، أمّا باش نعملوا علاقة عميقة.

? أش تفكروا؟ آدم و حواء فكروا باش يعملوا علاقة جنسية؟
! ممكن، على خاطر الله أمرهم باش يتكاثروا. - و ما حشموش! المرّة
جاية باش نقرأوا كفاش ولى الإنسان يحشم.

التطبيق:

توة نواصلوا التطبيق: الله أعطى للإنسان أكثر مائي أعطى للخليفة الأخرى. هذا الإمتياز متاعه. شنوة الواجب و المسؤولية متاعه؟

? الله أعطانا طبيعة روحية: شنوة الواجب و المسؤولية متاعنا؟
! باش نعرفوه و نعبدوه.

? الله أعطانا حرّية باش نختاروا. شنوة الواجب و المسؤولية متاعنا؟
! باش نستعملوا حرّيتنا و نختاروا بلفدا. الله ما يحبش نقولوا: "مكتوب" و هكا ما نعملوا شيء. نقعدوا و نستناوا برق أش باش يصير.

? الله أعطانا العقل. شنوة الواجب، المسؤولية متاعنا؟
! باش نستعملوه و نكتشفوا العالم و نخدموا الأرض.

?الله خلقنا قادرين على علاقات عميقة: شنوة الواجب، المسؤولية متاعنا؟

! باش نكمّلو بعضنا في علاقات إنسانية عميقة. و لازم العرس يكون كما
ورّانا الله.

؟ الله خلقنا على صورته: شهوة الواجب, المسؤولية متاعنا؟
! باش نكونوا صورة صحيحة متاع طبيعته المقدّسة و الطيبة.

؟ الله أعطانا سلطة على الأرض: شهوة الواجب, المسؤولية متاعنا؟
! باش نكونوا ممثلي له على الأرض جديرين به.

الدرس الثالث: التكوين 3: 1-13 الخطيئة و كفاش تأثر علينا

المقدمة: الله يقدمنا شخصية جديدة, و هو الشيطان.

اليوم الله يقدم شخصية جديدة في كتابه: الشيطان. في آخر الكتاب المقدّس,
في الرؤيا 20: 2, الله يفسّر إلي الشيطان معروف باسم "التنين, أيّ الحيّة
القديمة, و هو إبليس أو الشيطان".
في التكوين الله يسميه باسم "الحيّة" برك, أمّا هو يفسّر بلقدا كفاش شخصيّة
الشيطان.

📖 نقرأوا النصّ الكامل متاع الإصحاح الثالث.

1. شخصية الشيطان.

؟ حتّى في الآية الأولى نلقوا دليل على أشكوئه الشيطان:
! هو خليفة الله.

؟ ما معناها؟ هو قادر على كل شئ كيف الله؟ قوته كيف قوّة الله؟

! لا! الله أكبر منه. الشيطان محدود بالقدرة و بالمعرفة. ما ننساوش هذا
وقتالي الشيطان و الشرّ يظهرأ أقوى من أي حاجة!

? علاش برشة الناس يخافوا منه?
! على خاطر هو كائن غريب. يظهر في شكل حيوان, و يتكلم! لازم هو
كائن روعي و ينجم بيبدل شكله.

? الله يُذكر صيفة وحدة برك على الشيطان. أنا هي؟ شنوة الصيفة
الوحيدة المذكورة في هذه الآية الأولى?
! هو مكار, حيال و غشاش. هو ضدّ الحقيقة.

? الشيطان ضدّ الله. كفاش نفهموا هذا من الآية 5?
! الشيطان ما يحبّش الإنسان يفكر الخير على الله. و ما يحبّش شكون يحكم
فيه.

? أش تظنّوا: الشيطان مع الإنسان ونا ضدّه?
! هو ضدّه, على خاطر يعرف إلي النصيحة متاعه تضرّ البشر.

? شنوة نيّة الشيطان? أش يقصد?
! هو يخدم ضدّ الله على خاطر ما يحبّش الله يكون المطلق, معناها ما
يحبّش يخليلو المجد.
هو يحبّ يفرّق الخليفة و الخالق.
هو يحبّ باش الإنسان يطيعه هو و يتبعه هو.

? الشيطان عنده القدرة باش يُجبر البشر?
! لا, ما ينجمش يُجبره, ينجم جربّه برك.

2. كفاش الشيطان يجرب البشر.

📖 هذه فرصة للتطبيق في حياتنا. نعاودوا نقرأوا الآية 1-5 باش نفهموا
كفاش الشيطان يجربنا.

? عندكمش فكرة علاش الشيطان مشا يكلم المرأة و موش الرجل?

! ممكن على خاطر المرأة ما سمعتش كلمة الله طول من عند ربّي, أمّا سمعت على طريق رجلها. ففكر الشيطان باش يتغلب عليها وقتالي هي وحدها. هو يفر كس على ضُعب في حياتنا و يستغله.
؟ أش نتعلموا من سؤال الشيطان في الآية الأولى: هو عرف كلمة الله ولنا لا؟

! هو عرف الحقيقة, أمّا بدل الكلمة شوية باش يغلط الناس.
في الآية 5+4 هو يحبّ يغلط المرأة زادة. الشيطان مهوش مع الحق.
هو يستعمل شوية من الحق باش يغلط و يغشّ الناس.

؟ في نفس الآيات تظهر نيّة الشيطان باش يشكك الناس. الشيطان يحبّ يزرع الشكّ في الناس بالنسبة لكلمة الله. عندكم مثال من الحياة اليومية كفاش الشيطان يجربنا اليوم في أفكارنا?...!

؟ الشيطان يخدم باش الإنسان ما يصدّقش إلی نيّة الله ديما باهية.
الله هو ديما طيبّ, أمّا الشيطان ما يحبّش باش نصدّقه و باش نحطوا ثيقنا في طبيعته الطيبة.
عندكمش مثال كفاش الشيطان يجربنا بنفس الطريقة اليوم?...!
! نقولوا مثلاً "الله غالب" وقت إلی تصير حاجة خايبة, معناها نعطيوه المسؤولية وقتالي تصير حاجة خايبة!

؟ الشيطان يدفع شاهية الإنسان. كفاش عمل هذا في الآية 5?
! قاله باش يولي كيف الله. خلاه يفكر إلی هذي حاجة باهية و لازمة.

؟ في رايكم, هذا معقول?
! لا, ها هو موش معقول: الله خلق الإنسان على صورته و توة هذا ما يكفيهش؟ فكرة الشيطان جات من كبرياءه.

؟ معناها الرغبات متاعنا الكل كبرياء?
! لا, أمّا الإنسان الصالح يعبرّ على رغبته لئاه على خاطر يعرف إلی ربّي طيبّ و يحبّ يعطيه الخيرات الكل في الوقت المناسب. ما حاجتوش يزرّب على خاطر ثيقته في الرب. المتكبرّ بالعكس ما يحبّش ها الإعتماد على الرب. لازم نردّ بالنّا على الكبرياء.

3. كفاش الإنسان طاح في الخطيئة

؟ توّى نوصلوا لآية 6 و نفكّروا كفاش الإنسان طاح في الخطيئة
* أول حاجة, يلزنا نسالوا إذا كان ممكن للمرأة باش تتجنّب الخطيئة ولّا
لا؟

! هي كانت تتجّم تتجنّب الخطيئة على خاطر كانت تتجّم تخطر باش
تصدّق الحيّة ولّا الله. و كانت حرّة باش تطيع الحيّة ولّا الله.

؟ في بقعة الخطيئة أش كانت تتجّم تعمل باش الشيطان ما يغشهاش؟
! كانت تتجّم تكلم الله في الموضوع. كانت تتجّم تسأل نفسها: شكون عنده
الحقّ باش يحكم: الله, الخالق, ولّا الحيّة, الخليقة؟

؟ معقول باش تصدّق واحد إلي ما تعرفوش, و ما تصدّقش الخالق الطيّب,
و هي تعرفه بلقدا؟

أمّا أش عملت المرأة قد قد؟ أش نتعلموا من هذه الآية؟ (6)
! هي خزرت للشجرة و تبتعت الشهوة متاعها من غير ما تفكّر في الله إلي
يعطينا اللازم في وقته. * إذا كان نتبعوا الغربية متاعنا من غير ما نعملوا
حساب للرب, نعملوا نفس الغلطة!
ندخلوا في خطيئة الشهوة و النتيجة حاجة محتمّة.

؟ و كفاش إخطر آدم؟ كان يسأل على إرادة الله ولّا لا؟
! آدم إخطر كيف حواء باش يصدّق و يتبع نصيحة الخليقة و موش أمر
الله. كان يعتمد على نفسه و على زوجته, موش على الله.

؟ الإختيار مسؤلية. نقرأ أو توّى بداية الآية 17 باش نفهموا كفاش يحسب
الله غلطة الإنسان.
! الله يحسب إلي الإنسان مسؤل على كلام شكون يسمع.

هذه الحقيقة: في الحقيقة الإنسان ما طاحش في الخطيئة, أمّا هو إخطر
الخطيئة.

الإنسان ما عملش حادث, أمّا خذا قرار.

4. نتيجة الخطيئة في طبيعة الإنسانية.

📖 نشوفوا توة في الآيات 7-13 كفاش كان تأثير خطيئة الإنسان على طبيعته.

؟ أش كانت أول حاجة إلي صارت بعد ما كلاوا من الشجرة الممنوعة؟ (7)
(
! تفتحوا عينيهم

؟ عينيهم تفتحوا على شنوة؟ ما عرفوش قبل إلي هما عريانين؟ هل ممكن ما عرفوش دور الجنس؟
*! لا، عرفوا دور الجنس، و الله شجعهم باش يستعملوه وقتالي أمرهم باش يتكاثروا. (1:28)

؟ معناها، أش تبدل؟ علاش ما حشموش قبل و توة ولأوا يحشموا؟
! على خاطر توة عندهم معرفة الخير و الشر. يعرفوا الشر على خاطر مسوا الشر و حسوا في رواحهم مذنبين.

؟ من وين جات التهمة إلي هما مذنبين؟ شكون تهمهم بالخطيئة؟ الله ولنا الشيطان؟
! حتى حد ما تهمهم. أما ضمير الإنسان فاق و حكم عليهم. هذا علاش حسوا بالتهمة و بالذنب.

؟ نعاودوا نقرأوا الآية 7. قبل الإنسان ما عرفش الخجل. أش يحس توة؟
! يحس بالحشمة. الإنسان ما عادش يحمل باش يكون عريان. دخلو الأحساس متاع الحشمة و الحجل و العيب و العار في طبيعة الإنسان على خاطر هو ما عادش بار. توة يحس إلي لازم يخبي نفسه و باش يغطي جسده. معناها حب يصلح المشكل.

؟ أش تفكروا: صلحوا المشكل؟ توة ما عادشي لازم يحشموا قدام ربّي؟ (8)
! لا، ما حلوش المشكل حتى باللباس حسوا إلي لازم يتخبأوا.

؟ وقتالي الله حب يعرف علاش آدم خبي نفسه، آدم تكلم على سبب واحد برك. نشوفوا في الآية 10 شنوة الأحساس إلي آدم ذكر؟

! آدم يذكر الخوف. هذه كانت أول مرّة إليّ الإنسان حسّ بالخوف. توة
الخوف وليّ دافع مهمّ في حياة الناس.

? أش عمل الخوف في حياة آدم و حواء؟ كفاش دفعهم؟
! دفعهم باش يخببوا نفوسهم. حتّى اليوم الناس يخببوا الحقيقة على نفوسهم
و يبعدوا من الآخرين على خاطر الخوف.

? أحن الكلّ نعرفوا ها الشعور: الذنب و الحشمة و الخوف. بالنسبة آدم و
حواء ها الأحاسيس * كانوا جدّد. كفاش جاوا؟ بالطريقة الظروف ولّا
بالطريقة الآخرين?
! لا, ها الشعور جاء على خاطر خسروا البراءة متاعهم.

? كفاش تأثر الخطيئة متاعهم على علاقة الإنسان مع الله?
! قبل الإنسان فرح بالربّ و كان يتعامل معه بكلّ بساطة. توة وليّ يخاف
منه و يحبّ يتخبّي عليه.

* قبل آدم أعطاه ثقته لربّ. أمّا توة يقول (3:12): "المرأة إليّ أنت, يا
ربّ أعطيتني غلطتي"
معناها, هكا الإنسان تهم الله إليّ هو سبب غلطته.

? أش تفكّروا بالنسبة للعلاقة مابين آدم و حواء؟ (10:3-13)
! آدم تهم مرأته و هي تهتم الحية. ماعادش ثمّ لا ثيقة و لا إنسجام. قبل,
في الآية 6, شفنا كفاش المرأة ولّات تجرّب رجلها باش هو يأكل زادة.
تأثير المرأة كبيرة. و قدّاش كبير تأثير الخطيئة فينا!

ما زال ما كلمنا على نتيجة الخطيئة بالنسبة الموت. تفكّروا كفاش الله قال في
الإصحاح 2: 17 إليّ نتيجة الخطيئة هي الموت.

? وقتاليّ الإنسان كلا من الشجرة الممنوعة, مات جسديا?
! لا, ما ماتش جسديا النهار هذاك.

? آدم كان عنده حياة جسدية برك, كما الحيوان? إذا كان الإنسان كان عنده
أكثر من هذا, أش كان عنده? (2:7)

! كان عنده نسمة من عند فمّ الله, كان عنده روح الله. هذا علاش كان عنده حياة روحية, كما شفنا المرّة إلي فاتت.

? ممكن إلي الإنسان عنده حياة جسدية, أمّا ما عايش عنده الخيرات الروحية, إلي الله أعطاه في البداية?
! نعم, ممكن. نشوفوا هذا كلّ يوم في العالم متاعنا.

? معناها, كفاش و وقتاش البشر خسر الحياة الروحية?
! البشر خسرها وقتالي خطاوا. خسروا العلاقة الروحية معه. الله و الإنسان ولّوا متفرّقين.
ماتوا روحيا, قد قد كما قالهم الله.

و الموت الجسدي دخل حياة الإنسان و العالم زادة. أمّا هذا الموضوع ندرسوا المرّة جاية, إن شاء الله.

الدرس الرابع: التكوين 3: 8-24 عقاب الله و محبّته.

المقدّمة: كفاش الله يحاسب الإنسان.

المرّة إلي فاتت فهمنا أنا هي النتيجة الطبيعية بعد خطيئة الإنسان. حتميّة الأمر إلي البشر يحصد ما يزرع. أمّا اليوم نحبوّوا نفهموا زادة كفاش يحاسبنا الله. الموضوع موجود في نفس النصّ.

📖 نقرأوا التكوين 3: 8-24.

1. الله يحاسب كلّ واحد شخصيا و وحده, موش مربوط بغيره.

؟ شفنا كفاش آدم و حواء خباوا نفوسهم فدام الله. أما ممكن باش نتخبّوا و نتجنّبوا الحساب و قتالي الله يحبّ يقابلنا؟
! لا, موش ممكن. الله القاضي, و أحن مسؤولين قدامه على أعمالنا كلّها.

؟ كفاش نفهموا من الآية 17 إليّ الله يعتبرو آدم مسؤل على غلطته؟
! الله يذكّر آدم إليّ هو كان يعرف أمر الله بلقدا و مع هذا ما حبّش يسمع كلامه. هذا علاش هو مسؤل و يستحقّ عقاب.

؟ الله حاسب آدم و حواء مع بعضهم, ولّا كلّ واحد وخذّه على أعماله؟
! الله حاسب كلّ واحد منهم على أعماله (هو فقط) بالعدل. كلّ واحد منّا مسؤل شخصيا على أعمالنا.

2. الله قاضي عادل و قدّوس و ما يحملش الخطيئة بالكلّ.

؟ قدّاش من خطايا عملوا آدم و حواء حتّى الله عاقبهم؟
! عملوا خطيئة وحدة برك. الله ما يحملش حتّى خطيئة وحدة, على خاطر هو قدّوس.

؟ آدم و حواء فسّروا السلوك متاعهم لربّ و قدّموا له عذر باش يسامحهم و ما يعاقبهمش. الله قبل التبرير متاعهم و غفر الذنب متاعهم؟
! لا, ما غفرش, على خاطر هو قدّوس و ما يحملش الشرّ. إتحيلّ أش باش يصير إذا كان الربّ يقبل حتّى عملة وحدة خايبة في حضوره في السماء: السماء نفسها تولّي ملوثة و هكّا الشرّ يغلب. الله ما يسمحش بهذا.

3. العقاب ما يُنقّصش بالخير إليّ نعملوه, ولّا بالنية متاعنا الباهية.

؟ آدم و حواء كانوا يحاولوا باش يصلّحوا الغلطة متاعهم و قتالي صنعوا لباس. (3:7). الله قبل الجهود متاعهم و نيّتهم الباهية؟ (3:21)
! لا, ما قبلش. ما نجموش نقولوله: "ما عاdash نعاودوا. من توة باش نعملوا الخير. لازم تسامحنا ها المرّة".

✽ الأعمال الباهية متاعنا ما تتجّمش تبطل الأعمال الخايبية. الخطيئة هي خطيئة و تستحقّ عقاب.

4. الله يعتبر ذنب الإنسان كيما ثورة ضدّه

؟ بالنسبة لله, خطيئة الإنسان أش كانت ؟ كانت غلطة, ولنا حادث, ولنا جريمة؟ كفاش يعتبرها؟
! الله يحسبها ثورة ضدّه هو. و الثورة ضدّ الخالق تستحقّ الموت.

5. عقاب الله هو الموت.

؟ تذكّروا كفاش الموت دخل حياة آدم و حواء؟ ماتوا جسديا في ساعة؟
! لا, الموت جاء بطريقة روحية قبل كلّ شيء.

أول حاجة نتكلّموا على الموت الروحي:

- الموت الروحي هو إنفصال عن الله, ربّ الحياة. كإنّ البطاريّة الروحية في البشر وفات.

؟ الإنفصال عن الله بدّل برشة حجات بالنسبة لآدم و حواء. أعطونا مثال.
! - الصُحبة ما بين الله و الإنسان وفات. هذا علاش نحسّوا إليّ الله بعيد علينا.

- ما عايش ممكن للبشر باش يدخل حضور الله. الله سكر الباب.
- آدم و حواء خسروا الفرصة باش يأكلوا من شجرة الحياة الأبدية.
- البشر توة تحت لعنة الله و تحت غضبه.

ها الموت الروحي صار في ساعة الخطيئة. أمّا الموت الجسدي دخل كون الإنسان زادة, و حتّى لو كان جاء بشويّة. نفكّروا توة في الموت الجسدي
- الموت الجسدي دخل كون الإنسان و كون العالم.

؟ الله كلّم آدم على موضوع الموت. أش قاله؟ (3:19)

! الله قاله إلي هو باش يرجع للتراب. قاله زادة إلي خدمته على الأرض
باش تولي تعب على خاطر تأثير خطيئته على الأرض. ها التعب جزء
من الموت الجسدي زادة.

? بالنسبة للمرأة نلقوا دليل زادة إلي الموت الجسدي باش يدخل حياتها؟)
(16

! نعم, الولادة تولي بالأوجاع و العذاب. نفهموا من هذا إلي المرض جاء
زادة على خاطر خطيئة الإنسان, و المرض يحضّر الطريق للموت.

6. خطيئة الإنسان تأثر على أي حاجة إلي تحت سلطة الإنسان.

ما زال ما فكرناش في ها السؤال المهم: خطيئة آدم و حواء أثرت فيهم
برك؟ شوفوا في الآية 15.
! تأثر في نسل آدم و حواء زادة, معناها تأثر فينا أحن.

? في الآية 17 نشوفوا إلي تأثير الخطيئة كبير جدًا. زيد على البشريّة في
أش تأثر?
! تأثر على الأرض على خاطر هي مملكة البشر و تحت سلطته. أعطوني
أمثلة كفاش نشوفوا هذا في العالم اليوم..

7. علاقة الإنسان مع الشيطان بعد الخطيئة.

? أش قال الله بنسبة لعلاقة الإنسان مع الشيطان في المستقبل؟ (15)
! الله قال باش تكون عداوة و معركة ما بينهم

? أش تفكروا: الشيطان غلب آدم و حواء وقتالي جربهم. آدم و حواء
ينجموا توة يغلبوا الشيطان?
! لا, ما ينجموش. على خاطر توة الشيطان هو ولي عنده السلطة عليهم.

8. موقف الله للإنسان ما زال موقف محبة.

؟ في رأيكم الله مازال يحبّ الإنسان ولنا لا؟ النصّ يعطينا دليل على ها الموضوع؟
! الله مازال يحبّ الإنسان على خاطر مشا يفر كس عليه. (3:7) ما قالش:
"فديت"! محبة الله للإنسان ما توفاش.

؟ الله باش يخلي الإنسان يحارب الشيطان وحده؟ لازم هو يدبر راسه؟
الله باش يخلي الإنسان وحده في الصراع بينه و بين الشيطان؟
! لا, الله أعطى للإنسان وعد. قاله إلي باش يجي واحد من نسل المرأة
قادر باش يحارب الشيطان. هكا الشيطان ما ينجمش يفسد برنامج الله.

مكتوب في الآية 15 إلي نسل المرأة باش يسحق راس الحية و معناها باش
يتغلب على الشيطان.

✽شكوه نسل المرأة برك, معناها هو موش كما الآخرين نسل المرأة و
الراجل؟

! هو الإنسان الوحيد إلي ما جاش من علاقة جسدية ما بين المرأة و
الرجل, أما جاء من المرأة و من عند روح الله بلاش علاقة جسدية.

✽مكتوب زادة إلي الحية باش تجرح عقب ها النسل. ما معناها؟ الحية
مسمومة!

! معناها نسل المرأة باش يذوق الموت - ما يغلبش بالسهولة!

؟ أش تظنوا: آدم و حواء فهموا وعد الله؟ ممكن الآية 20 تعطينا فكرة.
! يظهر لي ما فهموش قد قد, أما ممكن فهموا إلي الله أعطاهم أمل بطريقة
نسل الإنسان, و هكا آدم فرح على خاطر حواء باش تولي "أم كلّ حي".

؟ الله أعطى للإنسان دليل آخر باش الإنسان يفهم إلي هو مازال يحبه.
نشوفوا أش عمل في الآية 21.

! واضح إلي الله مازال يحبّ الإنسان على خاطر هو صنع له لباس.

؟ أمّا علاش الله ما قبلش اللباس إلي صنعوا آدم و حواء بيدهم؟ ندكروا
إلي هما عملوا ها اللباس باش ينحيوا الحشمة و العار متاعهم. تعاودوا
نقراوا الآية 10 باش نفهموا كفاش حسوا بعد ما صلحوا الغلطة متاعهم.

! نفهموا من ها الآية إلي هما مازالوا يحسّوا رواحهم عريانين. معناها,
اللباس متاعهم ما نجمش ينحّي لحشمة و العار متاعهم.
? آدم و حواء كانوا عندهم نيّة باهية و عملوا جهد وقتالي صنعوا ها
اللباس. هما كيفنا أحن وقتالي نعملوا جهد باش نصلّحوا الغلطات متاعنا.
علاش الله ما يقبلش ها النيّة و ها الجهد?
! على خاطر الخير متاعنا ما يصلّحش الخطيئة متاعنا. الجهود الكلّ
متاعنا, و حتّى لو كان هما جهود دينية. ما يصلّحوا شيء. الله ورّى
للإنسان إلي موش ممكن هو يصلّح خطيئته بيده.
و زيد على هذا الله ورّى للإنسان إلي هو نفسه حاضر باش يلقى حلّ.

? شنوّة الفرق ما بين لباس آدم و حواء و ما بين اللباس إلي صنعه الله?
! اللباس الجديد معمول من جلد حيوان, موش من أوراق نبات.
معناها, كان لا زم باش يموتوا حيوانات و يعطيوها الجلد متاعهم. شفنا في
الإصحاح 1:22 كفاش الله بارك الحيوان و توة ولى هو يقتلهم! هگا
نفهموا إلي الله يحسب عار الإنسان يلزمه
* حلّ آخر. الله يقدم للإنسان الفكرة إلي لازم تضحية الحياة باش نخلصوا
الخطيئة

? أش نفهموا من هذا على موقف الله للإنسان بعد خطيئته?
! نفهموا من هذا إلي البشر مازال عنده قيمة كبيرة في عين الله. نفهموا
زادة قدّاش كبيرة محبة الله و رحمته.

? الله أعطى لباسه للإنسان بها الشرط: لازم الإنسان يقبل لباس الله في بقعة
اللباس متاعه. ما معناها?

! الإنسان لازم يعترف إلي ما ينجمش يصلّح خطيئته.
و لازم يقبل هدية الله!

؟ ها الكلّ صار في بداية العالم أما أحن عايشين في زمان جديد. يآثر ما صار في البداية علينا اليوم ولأ لا؟ (التكوين 1:5-3 موفيد بنسبة لها الموضوع. آدم كان عنده صورة الله. و أحن, أنا صورة عندنا فينا؟) ! أحن نسل آدم, جينا من طبيعته, و هكا طبيعته المذنبه تأثر فينا.

؟ طبيعة آدم كانت بارّة قبل الخطيئة, و ولتات مذنبه بعد. أنا طبيعة ورثنا أحن؟ ! ورثنا طبيعته المذنبه, المخطيئة متاعه.

؟ أش نجّموا نعملوا؟ نجّموا نبذلّوا طبيعتنا الخايبه؟ ! لا, ما نجّموش.

أمّا عندنا إختيار:
. نجّموا نعملوا جهد باش نصلّحوا حياتنا على طريقنا, ممكن بطريق أعمال الخير ولأ بالدين...
. ولأ نعتزفوا إلي ما نجّموش نصلّحوا طبيعتنا, و نطلبوا من عند الله باش هو يورينا الحلّ متاعه.

؟ الله, كفاش يحبنا نختاروا؟ ! هو يحبّ باش نرجعوله, و باش نطلبوا منه الحلّ متاعه.
في الحقيقة, الكتاب المقدّس يتابع تاريخ علاقة الله مع الإنسان بعد الخطيئة حتى يورينا الحلّ متاعه للبشريّة.